

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj : 32 0 St 417070 22 St
Tuzla, 01.04.2022. godine

OPĆINSKI SUD U TUZLI, sudija Ilvana Delić, u postupku predhodnog ispitivanja prijedloga za otvaranje stečajnog postupka nad dužnikom **„ALFA-NUR Co“ d.o.o. Tuzla, ul. Stupine B13, lamela B, zajedno sa „ALFA-NUR Co“ d.o.o. Tuzla, podružnica br. 1, ul. Proleterskih brigada 60,** dana 01.04.2022. godine donio je slijedeće,

R J E Š E N J E

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom privrednog društva **„ALFA-NUR Co“ d.o.o. Tuzla, ul. Stupine B13, lamela B, zajedno sa „ALFA-NUR Co“ d.o.o. Tuzla, podružnica br. 1, ul. Proleterskih brigada 60.**

Za privremenog stečajnog upravnika imenuje Almir Bajrić iz Tuzle, Aleja Alije Izetbegovića 3B.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:

- **obezbijediti imovinu dužnika i starati se o istoj,**
- **ima ovlašćenja da ude u poslovne prostorije dužnik i provede neophodne radnje,**
- **utvrditi da li postoji razlog za otvaranje stečajnog postupka,**
- **ispitati da li će imovina stečajnog dužnika pokriti troškove stečajnog postupka,**
- **utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i**
- **uraditi kontrolu poslovanja stečajnog dužnika.**
- **kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.**

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u prethodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama F BiH“, web stranici Općinskog suda u Tuzli i na Internet stranici FIA-e, te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Tuzli i Službi za geodetske i imovinsko-pravne poslove Grada Tuzla, radi upisa zabilješke otvaranja prethodnog postupka.

O b r a z l o ž e n j e

„ALFA-NUR Co“ d.o.o. Tuzla, ul. Stupine B13, lamela B, zajedno sa „ALFA-NUR Co“ d.o.o. Tuzla, podružnica br. 1, ul. Proleterskih brigada 60, kao dužnik podnio je dana 13.01.2022. godine ovom sudu prijedlog za otvaranje stečajnog postupka nad ovim privrednim društvom, zbog platežne nesposobnosti stečajnog dužnika.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagача u smislu odredbe člana 58. stav 1. i 2. Zakona o stečaju („Sl. novine F BiH“, br.53/2021. u daljem tekstu Zakon o stečaju) i da je isti dopušten, dana 30.11.2021. godine, naložio je predlagачu da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka.

Predlagач **„ALFA-NUR Co“ d.o.o. Tuzla, ul. Stupine B13, lamela B, zajedno sa „ALFA-NUR Co“ d.o.o. Tuzla, podružnica br. 1, ul. Proleterskih brigada 60,** je dana 29.03.2022. godine dostavio sudu dokaz o uplati predujmljenih sredstava za finansiranje prethodnog postupka u iznosu od 3.000,00 KM.

Na osnovu priložene dokumentacije i to: prijedlog za otvaranje stečaja od 13.01.2022. godine, bilans uspjeha za period 01.01.2021-31.12.2021. godine, aktuelni izvod iz sudskog registra od 01.02.2022. godine, izvještaj o računima poslovnog subjekta Centralne banke od 02.02.2022. godine, odluka o prestanku rada društva od 13.01.2022. godine i uplate predujma od 3.000,00 KM, predlagач je učinio vjerovatnim platežnu nesposobnost.

Na ročištu za saslušanje stečajnog dužnika održanog dana 16.03.2022. godine, zakonski zastupnik društva Edin Nurkanović izjavio je da je društvo prestalo sa radom u junu mjesecu 2021. godine, da društvo nema zaposlenika. Društvo nema imovine što se tiče nekretnina. Što se tiče pokretnih stvari na društvu se vode tri kombija, međutim, svi su opterećeni založnim pravom PU i UIO. Društvo još posjeduje mašine – presa za lim, makaze za lim dvije vrste, mašina probijačica za lim, dvije mašine za poliranje lima, mašina za rezanje lima, sve ove mašine također su popisane prilikom sačinjavanja sporazuma sa PU o izmirenju doprinosa za radnike. Pored PU i UIO društvo ima dugovanja prema dobavljačima i prema bankama. O visini dugovanja direktor se nije mogao tačno izjasniti ali smatra da dugovanja prelaze iznos od 200.000,00 KM.

Iz svega navedenog proizilazi da društvo nije u mogućnosti izvršavati svoje dospjele obaveze od momenta dospijeca u neprekidnom trajanju dužem od 30 dana od dana nastanka obaveze. Konačno stanje u pogledu eventualno drugih obaveza bi se moglo utvrditi u slučaju određivanja privremenog stečajnog upravnika koji bi sudu dostavio izvještaj o poslovnom stanju kod predlagača sa izjašnjenjem o uslovima za otvaranje stečaja.

Na osnovu podnesene dokumentacije i zakonskog zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju.

Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

SUDIJA
Ilvana Delić

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu putem ovog Suda.